



Harald Bianco
Inatsisartunut ilaasortaq, Inuit Ataqtigiit

Knud Mathiasen
Inatsisartunut ilaasortaq, Inuit Ataqtigiit

Kulusummut timmisartuussisarneq pillugu § 37 naapertorlugu apeqquteqaammut 2022-198-imut akissut

15-11-2022
Suliaq nr.: 2022 - 22618
ID nr. 81814371

Asasakka Harald Bianco aamma Knud Mathiasen

Inatsisartut suleriaasianni § 37 naapertorlugu Kulusummut timmisartuussisarneq pillugu Naalakkersuisunut apeqquteqaateqarpusi. Apeqqtisi uannit akineqartussatut innersuunneqarput. Apeqqtisi matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqt 1: Air Greenlandip Nuummiit Kulusummut timmisartuussisarnerini ukioq kingulleq 2021-mi taamaatitsinerit qassiuppat?

Akissut: Akissuteqarnissamut Air Greenland isummersorneqarami paasissutissiissutigaa, Nuup Kulusullu akornanni 2021-mi timmisartuussinissaraluit 88-t taamaatinneqarsimasut.

Apeqqt 2: Taamaatitsisarnerit sunik peqquteqartarpat?

Akissut: Akissuteqarnissamut Air Greenland isummersorneqarami paasissutissiissutigaa, taamaatitsinerit 78-it imaluunniit 89 %-it assersuutigalugu sakkortuumik anorlersimaneranik, putsersimaneranik, nuissat pukkissimaneranik il.il patsiseqarsimasut. Silamik patsiseqartumik taamaatitsinerit affaasa missaat (timmisartuussinissaraluanit katillugit 42-t), tikitassami Kulusummi silarlunneranik patsiseqarsimapput.

Nuup Kulusullu akornanni timmisartuussinissaraluit taamaatiinnarsimasut sinneri teknikkimik (8), saqisussaaleqinermilluunniit (2) patsiseqarsimapput. 2021-mi Nuup Kulusullu akornanni pilersaarutaasumik timmisartuussinissat katillugit 202-jusimapput, angalasussallu 1.906-iusimallutik. Taamaatitsinerit patsisaasimasut Air Greenlandip tulliuttumi tabelimi takussutissiorpaa:

Patsisaasoq	Angalasussat katillugit	Timmisartuussinissat katillugit
Saqisussaaleqineq	35	2
Teknikki	97	8
Aallarfiissap silarlunna (minnerpaaffiliussaqaq ataallugu)	161	7

Tikiffissap silarlunnera (minnerpaaffiliussaq ataallugu)	917	42
Sumiiffinni pineqartuni silarlunnera (minnerpaaffiliussaq ataallugu)	661	28
Timmisartuussinissap allanngornera	35	1
Katillugit	1906	88
Sulisoqarneq	2	2%
Teknikki	8	9%
Sila	78	89%

**Apeqqu 3: Air Greenlandip timmisartornermut isumannaallisaanera timmisartuuti-
leqatigiiffinnut allanut (Ass. Air Iceland) sanilliullugu sukku qanorlu sukanganerua?**

Akissut: Akissuteqarnissamut Mittarfeqarfiit Air Greenlandilu isummorsorneqarput. Apeqqutip akineqarnissaanut piginnaatitaaffeqarnatik marluullutik paasisutissiisutigaat. Apeqqu akisinnaassagaanni pissutsit tunngaviillu assigiinngitsut qulaajarneqarlutillu nallersuunneqartariaqarput. Taamaattumik Inatsisartut Suleriaasianni § 37-mi imm. 2 naapertorlugu nalunaarutigissavara, Naalakkersuisut apeqquummut akissuteqarsinnaangimmata.

Taamaakkaluartoq matumani akissuteqarnissami Mittarfeqarfiit ilanngullugu paasisutissiisutigaa, Air Greenlandip inatsis EASA aamma ICAO unioqutinnagit naapertoraat ilisimallugu. Air Greenlandip timmisartortitseqatigiillu allat inatsisinik attuumassutilinnik tamanik, matumani timmisartuussinermi isumannaallisaaneq pillugu inatsit ilanngullugu malinninnissaat uannut Naalakkersuisutut aamma pingaaruteqarpoq.

**Apeqqu 4: Ilumoorpa Air Iceland sernaveersaammik Kulusuup mittarfianiitita-
qartoq?**


Akissut: Akissuteqarnissamut Mittarfeqarfiit isummorsorneqarami paasisutissiisutigaa, timmisartunut sernaveersaammik akuerisaasumik Icelandair Kulusup mittarfiani sernaveersaataateqanngimmat. Kulusummi pisariaqavitsillugu atorneqartussamik Icelandair siornatigut akuerisaanngitsumik sernaveersaataateqarnikuuvoq. Taanna ullumikkut ukiut 20-t sinnerlugit pisoqaatigivoq, atorneqarnikuunanilu. Sernaveersaat atorsinnaanngilaq, iluarsineqarsinnaananilu. Taamaalilluni sulianut atatillugu atorsinnaanngitsoq pineqarpoq. Icelandairip qanga timmisartuutigisimasatik sapaatip akunnerpaalunni Kulusummiittariaqalernissaat pinngitsoortikkumallugu, pisariaqavitsillugu atorneqartartussatut Icelandairip pissarsiarinikuuaa. Suliamut atatillugu atorneqartussatut akuerisaanikuunngilaq, taamanilu ilaasunik angallassinermut atatillugu atorneqarsinnaasimanaviarani.

**Apeqquut 5: Apeqquut 4-mut atatillugu; sernernaveersaammik Air Iceland
Kulusummiititaqarpat, taanna akuerisaava?**

Akissut: Apeqquut 4-mut akissut takuuk.

Neriuppunga qulaani allaqqasuni apeqquuteqaatisi akineqartut.

Inussiarnersumik inuulluaqqusillunga



Erik Jensen